

petites riuieres, à me chauffer, & à dormir. Le che-minois & ie priois Dieu tout le iour, que de tours & de détours elle fit dans ces horribles forests! que d'é-garements! elle partit peut-estre au commencement d'Auril, & elle n'arriua à Montreal que le [33] huicti-esme de Iuin, elle nous disoit que deux lunes & plus s'estoient passées dans son voyage. Le mois de May arriuant elle descourrit des chasseurs Hiroquois fans estre apperceuë; ayant reconneu qu'ils auoient laiffé leur canot sur le bord d'une riuiere, elle se iette de-dans à la defrobée, & l'emmene: mais comme il estoit trop grand pour vne personne seule, elle le racourcit & l'accommoda proprement à son vsage. Enfin elle se trouue sur les riuies du grand Fleuve de Saint Laurens, l'ayant bië consideré, elle iugea qu'elle estoit plus près des François que de son país, qui n'est pas loing de celuy des Hurons, & qu'il estoit plus facile de descèdre que de monter, si bien qu'elle prend le cou-rant, s'en va chassant d'Isle en Isle, elle tuë des cerfs & des castors, elle fait vne espée de bois, elle en brusle le bout pour l'endurcir, & avec cét instrumēt elle prend de grands esturgeons de cinq à six pieds de longs. Elle prenoit les cerfs en cette forte: les ayāt fait lancer à l'eau, elle s'embarquoit dans son petit canot les poursuiuoit aisément, & en les abordant elle leur déchargeoit de grands coups de hache sur la teste, estans aux abois elle les tiroit à bord & s'en seruoit [34] pour se nourrir, elle trouua quantité d'œufs de diuers oyseaux de riuieres, elle auoit encore assez de viande boucanée & quantité de ces œufs, quand elle mit pied a terre à Montreal. Voyant le Pere qui l'auoit instruite, ha! mon Pere, luy dit-elle, que de fois i'ay pensé en vous! ie disois en mon cœur